

25 MIYON PA DRECHAMENTO Y RENOBACION DI SCHOOL

ORANJESTAD (AAN) Gobierno tin 25 miyon florin cu mester worde inverti den drechamento di school. Departamento di Enseñanza tin un lista di cantidad di Besteknan cu mester bay pa destaho publico. Ministro di Enseñanza Señor Freddy Refunjol a bisa e.o. cu Caiquetio School, Paso Sigur H.H.S. cu lo worde converti den Basis School, Colegio Arubano San Nicolas y Colegio San Hose Santa Cruz.

Fuera di esey e Bestek di Beatrix School tambe ta cla y e bestek di e School nobo na Sero Blanco tambe ta cla y

awe Dialuna lo e ser entrega na gobierno.

Segun Ministro Refunjol tin problemanan, pero no por bisa cu gobierno no ta trahando, pasobra e problemanan ta hopi, gobierno ta trahando,

esakinan ta bay destaho publico, pues compania di Construcción ta traha nan, fuera di esey gobierno tin su Task Force" cu ta atende cu edificionan manera mester ta.

Tin keho, esey por ser haya cu tin problemanan, pero no ta asina cu gobierno no tin atencion pa e schoolnan, Ministro Refunjol a duna di conoce.